



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

67. De calice Domini.

urn:nbn:de:hbz:466:1-14622

Burchard. lib.
3. c. 2.
Math. 26.

tur, sed vinum cum aqua mixtum, quia & vinum in redemptionis nostræ mysterio fuit, cum dicat: *Non bibam de hoc genimine vitis;* & aqua mixtum, quod post cœnam dabat. Sed & de latere ejus aqua cum sanguine egressa, vinum de vera carnis ejus vite cum aqua expressè ostendit. Cùm igitur magister veritatis verum salutis nostræ sacrificium commendaret suis discipulis, panem tantùm & calicem sub hoc sacramento præbuisse cognoscimus. Ideoque præter panem & vinum cum aqua mixtum aliud offerri non debet. Calix enim dominicus vino & aqua permixtus debet offerri; quia videmus in aqua populum intellegi, in vino verò ostendi sanguinem Christi. Ergo quando in calice vino aqua miscetur, Christo populus adunatur, & credentium plebs ei in quem credidit copulatur & jungitur: quæ copulatio & conjunctio aqua & vino sic miscetur in calice Domini ut commixtio illa non possit separari. Nam si vinum tantùm quis offerat, sanguis Christi incipit esse sine nobis. Si verò aqua sit sola, plebs incipit esse sine Christo. Non potest enim calix Domini esse aqua sola, aut vinum solum, nisi utrumque sibi misceatur.

De calice Domini. *Ex Concilio Remensi*
titulo VIII.

Burchard. lib.
3. c. 96. & Di.
1. De consecrat.
c. 45.

LXVII. Ut calix Domini cum patena, si non ex auro, omnimodis ex argento fiat. Neque causentur Presbyteri, avaritia suadente, de paupertate vel impossibilitate, cum una pars ex omnibus quæ ad Ecclesiam pertinent

in fabricis ipsius Ecclesiæ sit impendenda. Admonendus est etiam populus ut aliquid in donariis Domini offerat, sicut ipse antiquus populus sub Moysè in tabernaculo Domini fecisse legitur. Si quis autem tam pauperrimus est, saltem vel stanneum calicem habeat. De ære autem aut ex auricalco non fiat calix; quia ob vini virtutem æruginem parit, quæ vomitum provocat. Nullus autem in ligneo calice præsumat cantare.

De corporali dominico. *Ex Concilio quo supra.*

LXVIII. Corporale super quo sacra oblatio immolatur, ex mundissimo & purissimo linteo sit; nec in eo alterius generis materia pretiosior aut vilior misceatur: quia dominicum corpus in sepulcro, non in holosericis, sed tantum in sindone munda fuit involutum. Corporale nunquam super altare remaneat, sed aut in Sacramentorum libro ponatur, aut cum calice & patena in mundissimo loco recondatur. Et quando abluatur à Sacerdote, Diacono, vel Subdiacono, primò in Ecclesia in loco & vase ad hoc præparato abluatur, eò quòd ex dominico corpore & sanguine infectum sit. Post hæc à lavandario in nitido loco *paretur.

Burchard. lib. 3. c. 98.

* Editio Helmeftad. reponatur.

De eucharistia. *Ex Capitulis synodalibus, cap. c l v.*

LXIX. Ut Presbyter semper eucharistiam habeat paratam; ut quando quis infirmaverit, aut parvulus infirmus fuerit, statim

Lib. 1. Capitular. c. 161.

Capitula Vvalterij Aul. rel. c. 7.